

QK497,6

J 54,6

II R
4394

ORDINARIVS
SENIOR ET CETERI DOCTORES
COLLEGII IVRIDICI
NOBILISSIMO AC CLARISSIMO
ADRIANO DEODATO
STEGERO
LIPSIENSI
SVM MOS IN IVRE HONORES

D. VII. MART. CIOIOCCXL.

COLLATOS
INDICVNT.

*De nuptiis pro
vntum amito
celebratis*



ORDINARIUS
SENIOR ET CETERI DOCTORES
COLLEGII IURIDICI
NOBILISSIMO AC CLARISSIMO
ADRIANO DEODATO
STEFANO

UNIVERSITATIS
SUMMOS IN IURE HONORES
L. VII. MAR. CXCXXI.

COLLEGIOS

INDIVISIBILES



*De rebus
reputacione
celestis*





Dubium Iurisprudenciae Ecclesiasticae
argumentum, *quousque nuptiae
liberorum sine parentum auctori-
tate celebratae effectus civiles
matrimonii sortiantur*, aggressu-
ri, plerisque diuina iura naturalia
positiuis, et in his iterum vniuersalia
particularibus misceri, vt et con-
sensus expressi indolem a tacito, imo a ratiha-
bitione nimium et praeter rem, quoad effe-
ctum, diuelli deprehendimus. Conciliatio-
nem igitur discordantium canonum et senten-
tiarum allaturi, primo Iuris diuini naturalis et
positiui, dein Canonici, post Iustiniani hac in re
A 2 pla-

IV

placita praemitti debere arbitramur. Natū-
 rae enim lege liberis, saltem donec familiae
 pars sunt Parentum, Patris praecipue in nuptiis
 ineundis consensum negligere absque irritatio-
 nis periculo haud integrum est: GROTIUS *de*
I. B. et P. L. II. 5. 3. PVFENDORF. *de I. N.*
et G. L. VI. 2. 14. BVDDEVS *Theol. Moralis*
P. II. c. 3. S. 6. §. 30. quod et indoles status
 familiae euincit, et exempla gentium moratio-
 rum a GERHARDO *Locor. Theol. T. VII.*
loco de coniugio §. 64. et MORNACIO *ad*
L. 2. ff. de R. N. excitata satis demonstrant.
 Eadem plane ratione lege diuina promulgata,
 Num. XXX, 4. sequ. irritatur votum vel iure
 iurando corroboratum puellae, quae in domo
 Parentis est; vt ex hoc, GERHARDVS *l. all.*
§. 61. ducto argumento a maiori ad minus con-
 cludat, patrem, qui filiae votum Deo factum
 contradicendo irritum reddit, multo magis
 promissionem matrimonialem a filia alteri fa-
 ctam rescindere posse. Integrum quoque erat
 Patri Nuptias filiae quamuis vitiatas Exod.
 XXII, 16. 17. impedire: quod vt iuri morali
 adeoque vniuersali et perpetuo acceptum fe-
 runt nostrates, GERH. *loc. cit.* CHEMNIT.
in Exam. Conc. Trid. P. II. l. 14. ad Can. 12.
 S. 4.

§. 4. CARPZOV. *Jurispr. Confist. L. II. Tit. 3. def. 39. sequ.* ita si quis portiunculam malit legis Hebraeorum forensis, hoc ipso confitebitur, imperium civile in liberos potestati patriae subiectos ad exemplum diuini legislatoris, leges recte protendere posse, cum diuina illa ad minimum id ostendat, hoc quod ea praecipiebatur, cum naturae lege non pugnare. GROTI. *L. I. c. 1. §. 17.* THOMAS. *Jurisprud. diuinae L. I. c. 2. §. 129. seq.* BVDDEVS *Theol. Moral. P. II. c. 1. §. 15.* in notis. Nec ab ea sententia recessit antiquiorum Canonum et Decretalium doctrina. In Gratiani compilatione *c. 30. qu. 5. c. 1.* luculentus est locus, qui etiamsi EVARISTVM autorem non habeat, sed ad Decretales Ante-Siricianas spurias pertineat, quas Seculo VIII. ab Isidoro quodam orbi obtrusas docuit BLONDELLVS in *Pseudo-Isidoro et Turriano Vapulante*, vid. FRANCISCVM PAGIVM in *Euaristo T. I. p. 10.* et vehementer dolet BALVZIVS in *praef. ad Reginonem de disciplina Ecclesiastica §. 3.* et in *praef. ad Augustinum de emendatione Gratiani §. 2.* aetatis tamen illius ea in re mentem conf. NICOLAI I. *Epistol. C. 30. qu. 5. c. 5.* exprimit, quam apud eundem GRATIANVM

VI

l. all. c. 45. et c. 32. qu. 2. c. ult. priorum quoque
 Synodorum Canones Carthaginensis et Tole-
 tanae tertiae, Leonis item I. auctoritas satis tuen-
 tur. CHEMN. *l. all. DVAREN. de Nuptiis c. 2.*
ad Tit. soluto matrim. CORASIVS *Miscell.*
L. I. c. 14. MERILLVS *ad pr. Inst. de Nupt.*
 AERODIVS *de Iure Patrio p. 649.* Quid de-
 nique hic egerit Ius Romanum, vel Iustinia-
 neis nouis instillandum, putauit Imperator, qui
 vbi *pr. l. de Nupt.* inter praecepta legum in iu-
 stis nuptiis celebrandis obseruanda istam quo-
 que retulisset cautionem, *dum tamen, si filii*
familiarum sunt, consensum habeant paren-
tum, quorum in potestate sunt, mox addit,
nam hoc fieri debere et Ciuilis et Naturalis
ratio suadet in tantum, vt iussus Patris
 PRAECEDERE debeat, et ne quid perfectio-
 ni legis deesset hanc horrendi carminis sanctio-
 nem §. 12. eod. subiicit: *Si aduersus ea,*
quae diximus, aliqui coierint nec vir, nec
uxor, nec matrimonium, nec dos intelligitur.
Itaque ei qui ex eo coitu nascuntur in pote-
state patris non sunt, (quantum ad patriam
potestatem pertinet) quales sunt ii, quos
mater vulgo concepit: nam nec hi patrem
habere intelliguntur, cum et iis pater incer-
 tus

rus sitos Quod a non infimi subsellii interpre-
 tibus MERILL. d. l. BACCHOVIO ad pr. I. de
Nupt. in fin. FRANZKIO *Exerc. II. qu. 5.* in eam
 partem accipitur, vt nec post l. 5. C. de *Nuptiis*
 ratihabitionis in praeteritum hic aliqua vis sit. Id
 equidem obscurum non est, consensum nuptias
 praecedentem qualem exigunt leges, non nisi
 expressum esse posse, quod tacitus in sciente fa-
 ctum ipsum aut comitetur aut demum subsequa-
 tur. l. 7. C. ad SC. *Macedon.* l. 25. C. de *donat.*
inter Vir. et Vx. At si ad singula ex diuina
 naturali er reuelata lege capita attendamus, id
 inde conficiemus, parentum maxime Patris vt
 familiae capitis, consensum requirendum esse,
 quo ipso tamen neque tacitus, scientis patientia
 innixus, cum contradicere deberet et libere pos-
 set, nec ratihabitione, quae rerum actarum appro-
 batio est, excluditur. Deinde Patrem irritare,
 votum et nuptias posse; vt vero iure isto vta-
 tur, non cogi. Quodsi enim cognouerat Pa-
 ter votum filiae, quod pollicita est, et iuramen-
 tum, quo obligauit animam suam, et tacuerat,
 voti vtique rea erat: Sin autem eodem die, vt
 audierat, contradixerat Pater, et vota et iura-
 menta eius irrita erant, Num. XXX, 46. Stup-
 rum inferens, stupro cognitam aut dotat aut
 ducit.

VIII

ducit, Exod. XXII, 16. Deut. XXII. 29. Sed si Pater Virginem dare noluerit, dat pecuniam iuxta modum dotis Exod. c. all. v. 5. 17. qua in re meminisse debemus, quod quae eius generis sunt, vt solam facultatem agendi tribuant, necessitatem autem ius persequendi non imponant: (iuris permittentis dicunt) in Statu Ciuitatis, in quo cuiusuis ius, quod in potestate eius situm est, arbitrio imperantis ad finem publicae rei attemperato subest, mutationi obnoxia esse, vt proinde minime iniuria fiat patri, si matrimonium ignorante eo vel inuito a filio contractum, modo interdictis Leuit. XVIII. et XX. propositis non feriat, rescindi prohibeatur. Constat praeterea Ius Pontificium recentius, quod qua Compilatione Gregoriana comprehenditur, Ecclesiae nostrae, si doctrinae receptae publicisque institutis non aduersatur, in matrimoniorum causis prae Iustiniano sequuntur, eiusmodiconiugia, si ad Glossatores et interpretes illius, qui Consensum Parentum non ad necessitatem, sed ad honestatem referunt, oculum intendamus, GLOSSA in C. sufficiat 27. qu. 2. GREGOR. TOLOS. in Syntagm. L. IX. C. 3. n. 7. LANCELOTT. Instit. L. II. Tit. 2. §. 2. ESPEN. *Iuris Ecclesiastici Vniuers.* P. II. T. 12.

T. 12. C. 4. n. 19. et seqq. omni modo rata habere; itemque cautum esse in Declaratione Religionis CAROLIV. A. 1548. Tit. vom Sacrament der Ehe 5. 9. Rigorem etiam Legis Iuliae et Papiae, quas per Praecepta Legum innuit Iustinianus, plurima mitigavit sequior Iurisprudentia, in *l. 68. de iure dotium* iuncta *l. 7. §. 1. ff. de Sponsal.* quas si ad filii nuptias familiam egredientis, quod praestantissimi Icti voluerunt, v. CVIAC. in *notis secundis ad Tit Instit. de Nupt.* MERIL. *l. all.* restringamus, in auxilium tamen venit Constitutio ALEXANDRI allegata in *l. 5. C. de Nupt.* quae patrem exhibet cognitis filii familias nuptiis non contradicentem, et dum de Patre loquitur qui et cognoscere potuit et contradicere MERILLII explicationem, qui absentem, furiosum, aut captum ab hostibus fingit, facile elidet. Accedit quod Iure Codicis, rati habitio omnis, si alterius ius non interuertat, in praeteritum valeat, et ad principium actus retrahatur. *l. 7. C. ad SC. Maced. l. 25. C. de Donat. inter Vir. et Vxor.* BALDVIN. et ACOST. *ad pr. I. Nupt.* HVBER. in *Praelect. ad Tit. Instit. de Nupt. §. 10. et π. Tit. de ritu nupt. §. 5.* vt inciuile fuerit, illud quod additur *l. 5. alleg. NON VERENDVM* scilicet

B

cet

cet esse, *nepotem suum non agnoscat*, in
 nepotem secuto demum consensu tacito na-
 tum velle transcribere. Consensum igitur ta-
 citum admittunt plerique omnes. CARPZOV.
L. II. Tit. 3. def. 42. ENENCKEL. *de Pri-
 uileg. Parentum priu. 6. c. 2.* BRUNNEM.
ad l. 5. C. de Nupt. HOPP. *ad §. 1. l. de
 Nupt.* BERGER. *in EL. Proc. Matrim.
 §. 33.* LEISER. *Med. ad π. Vol. V. Spec. 291.
 Med. 5.* quod nihil interfit, quo pacto inter-
 ueniat verbis an factis animi sensa exprimentibus,
 cuiusmodi silentium liberum cum scientia rei ad ius
 silentis pertinentis coniunctum merito pro consensu
 habetur. *R. 43. de Reg. Iur. in 6to.* MASCARD. *de Prob. Concl. 1360.
 n. 1.* MENOCH. *L. II. Praef. 74. n. 6. sequ.*
 Quando autem de ratihabitione quaeritur, an
 in praeteritum efficax sit, nonnulli affirmare
 dubitarunt, GERHARD. *in resp. apud Dedekenum
 Vol. III. §. 4. n. 29.* CARPZOV. *l. all. def. 41.* sed
 praeter rem, vt opinamur, nisi incestus causa,
 lege diuina notata, refragetur. Nam quod illos
 mouet coniunctionem diuinam, quae, non nisi
 obseruatis diuinis praeceptis adesse possit,
 impediri, minime id efficit, quo minus accedente
 ratihabitione

tione eius, cuius ius laesum est, in legitimum
 retro matrimonium euadat; praecipue cum
 et liberorum intermedio tempore editorum
 saluti sit consulendum. CHEMNITIVS cer-
 te ob hanc ipsam causam et quo scandalum
 euitetur, rescissionem noluit, *l. alleg. §. 5.*
 Eandem in sententiam responderunt Lipsien-
 ses Theologi apud DEDEKENVM *l. all.*
n. 41. ubi hanc communem vocant obseruan-
 tiam Consistoriorum. Vulgata etiam doctri-
 na et in foro recepta, quamque ipsimet ad-
 mittunt dissentientes, GERHARD. *in loco de*
Coniugio §. 164. et CARPZOV. *L. II. def.*
60. Sponsalia sine Parentum consensu con-
tracta, accedente copula carnali siue prae-
cesserit, siue sequatur, haud rescindi, sed
consummationem per benedictionem sacerdo-
talem contrahentibus iniungi ob matrimo-
nium praesumptum. c. 30. X. de Sponsal. BEVST.
de Matrim. 47. CYPRAEVS *de Sponsalibus*
c. 10. §. 16. Nec ambigitur liberos naturales
 hodie etiam ex stupro conceptos per subse-
 quens matrimonium ita legitimari, ac si legi-
 timi nati essent. Quibus positis, non pot-
 est non matrimonium firmum in facie Eccle-
 siae rite celebratum, legitimum etiam retro
 obnu-

reddi, ratihabitione Parentum ex interuallo
 accedente; idque in ipsis rerum argumentis
 obtinere plures nostratum testantur, ENEN-
 CKEL. *l. all. c. 2. n. 7.* BRUNNEM. *ad l. 5.*
C. de Nupt. SCHILTERVS *Exerc. 3. ad*
ff. §. 12. HOPP. *ad §. 1. Inst.* BERGER.
l. all. LEISER. *l. 1. med. 5.* Quamuis
 etiam sine Consensu Parentum sponsalia vi
 omni careant, nuptias tamen illis etiam inui-
 tis secutas, nisi Ordinationibus Ecclesiasticis
 prouincialibus aliter sancitum sit, non irrita-
 ri, CHEMNIT. *in Exam. Concil. Trident.*
P. II. l. 14. ad Canon. 12. §. 5. ait, et Theo-
 logi Lipsienses apud DEDEKENVM, qui
 hanc communem opinionem esse docent,
 profitentur. SCHILTER *in Elementis Iu-*
rispr. ad Tit. de Nupt. §. 2. a poenis tamen
 priuatis et publicis exhaeredatione, migra-
 tione aliisque, non immunes existimant. De-
 inde et illud obseruandum, quod vt si vel ma-
 xime nullae dici possint, ludicem tamen Ec-
 clesiasticum non ex officio procedere, sed
 illius, cuius ius laesum intelligitur, implora-
 tionem expectare, atque ita eiusmodi nu-
 ptias manere integras, si Parentes iure suo
 non vtantur. Sufficere autem haec illu-
 strando

strando argumento dubio poterunt, cum instituti ratio vitam ac studia

ADRIANI DE ODATI
STEGERI
LIPSIENSIS

commemorare postulet. Natus ille est Lipsiae An. MDCCXIX. d. XXVII. Iulii, parente Illustri et Magnifico ADRIANO STEGERO, *1^oto, S. Caesar. Maiest. a Consiliis et Reg. Maiest. Polon. Consiliario Aulae et Iustitiae, Urbis Lipsiensis Consule, et Senatus Seniore, Scabinatusque Assessore*, Matre vero IULIANA SVSANA, gentis SCHACHERIAE. Rudimentis litterarum priuata magistrorum institutione depositis, in contubernium et conuictum datus est GESNERO, Rectori tunc temporis Scholae Thomanae, iam Professore in Academia Gotingensi Celeberrimo, cui in docendis humanioribus M. DRESIGIVS, in explicanda Philosophia D. OLEARIVS, in stilo excolendo M. KORTHOLD, in Iure Naturae tradendo et historia

XIV

storia patria enarranda M. ASSMANNVS, in
 Antiquitatibus Romanis enucleandis Prof.
 CHRISTIVS, et in historia vberius edifferen-
 da MASCOVIVS successerunt. His copiis in-
 structus non dubitavit publico se committere;
 Hinc A. D. M DCC XXXIV. orationem Latinam
 ipso die festo Paschatos in templo Paulino ha-
 buit, et paullo post, praeside M. DRESIGIO
 dissertationem de cicuta Atheniensium poena
 publica, in philosophorum auditorio defendit:
 Quo factum est, vt ab Inclyto Philosophorum
 ordine prima ipsi laurea deferretur. Animo
 deinde ad Iurisprudentiam appulso, historiam
 iuris et Institutiones praecunte D. MARCHIO,
 Pandectas et Ius Canonicum duce priuatissimo
 D. SCHOENIO, Ius Feudale et praxin, prae-
 ceptore D. BAVERO, Ius publicum Doctore
 MASCOVIO hausit. His iuris scientiae subsi-
 diis munitus, praeside D. RIVINO Ludouicia-
 nas institutiones in ICTorum auditorio nunc de-
 fendit, nunc oppugnauit, et Candidati summae
 in vtroque Iure dignitatis officio satis facturus
 moderanter ECHENBERGIO A. MDCCXXXVII.
 vindicias manibus consertis sumendas ex lege
 XII. tabularum publico ICTorum examini sub-
 iecit.

e cit. A. MDCCXXXVIII. a Philosophorum
 ordine summos in philosophia honores retu-
 lit, quorum iura hoc ipso anno habita disserta-
 tione de antiquissimis Tropaeis populi Ro-
 mani asseruit. Eodem, quem diximus, an-
 no, utroque examine superato pro licentia
 summos in iure honores capeffendi dissertatio-
 nem inauguralem ad legem Municipalem Ro-
 manorum sine praeside publice propugnauit,
 et dein, comite nunquam satis laudando *Ioan-
 ne Ludouico Grimmio* peregrinationem in
 exteris regiones instituit, ac vniuersa Italia
 peragrata, et superato perquam difficili mor-
 bo, per Galliam Cisalpinam in Transalpinam
 profectus iam Parisiis versatur; per Belgium
 vero et Saxoniam inferiorem, Deo bene
 iuuante, proxime rediturum honos ille in
 Iure Summus expectat, quem etiam absenti
 decernere statuimus. Quum enim omnibus
 illis, quae a Doctoribus, qui ad Ius Ord-
 nis nostri aspirant, praestanda sunt, ante dis-
 cessum egregie satisfecerit, iura eius et prae-
 mia diutius morari noluimus, quod hone-
 stiores inde fructum ex laetitia Venerandi
 Senis Patris ipsum percepturum praeuidere-
 mus,

QK TK 4394


X 3379264

VD 18

XVI


mus, et cum ipso simul laetaremur. Solenni
 igitur Diplomate, publico sigillo munito, non
 modo ex hac die Iuris vtriusque summos ho-
 nores ipsi largimur, sed et illis, inter nostros,
 Doctoribus in albo Collegii adscribendum
 curauimus, qui suo loco et ordine aliquan-
 do inter eos, qui de Iure respondent, admit-
 tuntur. Faxit Deus feliciter. Dab. VII.
 Mart. MDCCXL. Lipsiae.

EX OFFICINA LANGENHEMIANA.



40





B.I.G.

Farbkarte #13

Black
3/Color
White
Magenta
Red
Yellow
Green
Cyan
Blue

QK 497,6
J 54,6

II K
4394

ORDINARIVS
SENIOR ET CETERI DOCTORES
COLLEGII IVRIDICI
NOBILISSIMO AC CLARISSIMO
ADRIANO DEODATO
STEGERO
LIPSIENSI
SVMMOS IN IVRE HONORES

D. VII. MART. CIOIOCCXL.

COLLATOS
INDICVNT.

*De nuptiis
matrimonii aucto-
celebratis*

